

possessione , victus debeat in petitorio judicio jus suum ostendere , quod nisi præstiterit , res manebit apud possessorem (3).

- (1) L. 48 ff. de Usuris.
- (2) L. 12 ff. de acquir. possess.
- (3) §. 4 Instit. de interdict.

7. Dividuntur etiam judicia in ordinaria , quæ et solemnia , atque in summaria , quæ et extraordinaria appellantur. Ordinaria sunt , in quibus acta omnia , et solemnia , quæ in judiciis leges præscribunt , observantur , tum in iis , quæ intimam judicij naturam , tum in iis , quæ solemnitates attingunt. Summaria judicia sunt , in quibus multiplices illæ solemnitates omittuntur , eaque tantum servantur , quæ sunt ad judicij naturam , hoc est , ad noscendam veritatem necessaria (1).

(1) Hæc quidem à Jure Civili , et Canonico divisio judiciorum traditur. Sed Pragmaticæ in foro judicia dividunt in ordinaria , summaria , summarissima , executiva. Et summaria quidem , atque ordinaria judicia in iis , quæ ad ordinem pertinent , apud nos fori usu fere inter se convenient.

8. Denique judicia alia sunt civilia , alia criminalia , quoniam omnia vel distraendarum controversiarum , vel maleficiorum puniendorum causa reperta sunt. Civilia pertinent ad privatorum controversias dijudicandas , criminalia vero crimina persequuntur , pœnasque irrogant vindices sceleris , et violatae publicæ tranquillitatis.

9. Judiciales disceptationes ordine noscendæ , expediendæ que sunt , quoniam ex inordinata rerum ratione oritur confusio , quæ jura potius obscurat , quam explicat litigantium. Ordo hic judicium etiam dicitur , et passim processus appellatur. Est autem compositio rerum aptis , et accommodatis locis , ut procul sit confusio , et perturbatio , noscatur veritas , ac suum cuique tribuatur. Et sane judiciarius ordo à legib[us] est constitutus , quem judicem ita dirigere , et moderari oportet , ut litigantes in recta justitiae semita insistant (1); qua in re nihil pro arbitrio , sed omnia canonum , legumque auctoritate agenda sunt.

(1) Cap. 49 de judic., cap. 22 de Accusation.

TITULUS III.

DE PROCURATORIBUS.

- 1. QUIS PROCURATOR ? PLURES PROCURATORUM SPECIES.—2. TAM UNUS , QUAM PLURES PROCURATORES CONSTITUUNTUR.—3. QUI PROCURATORES ESSE POSSINT ?—4. IN QUIBUS CAUSIS ADHIBEANTUR ? 5. QUOMODO OFFICIUM PROCURATORIS EXSPERET ?—6. SYNDICI UNIVERSITATUM PROCURATORES SUNT.—7. IN QUIBUS SYNDICI DIFERANT A PROCURATORIBUS PRIVATORUM ?

4.

JUDICIA aut per nosmeliipso , aut per procuratores exercemus. Procurator , quem *alieni juris vicarium* eleganter Cicero appellat (1) , ab Ulpiano definitur , qui aliena negotia mandato domini administrat (2). Constituitur vel ut certum negotium espeditat , vel ut omnia gerat , et curet ; hic generalis , ille autem specialis appellatur. Rursus procurator judicialis est , si alienam item judicio persequitur , extrajudicialis , si aliena negotia extra judicium conficit. Generalis procurator tum judicialibus , tum extrajudicialibus rebus præpositus intelligitur , non tamen iis , quæ speciale mandatum requirunt (3). Datus autem cum libera administratione , omnia fere potest , quæ ipse dominus , et ideo quamquam donare nequeat (4) , tamen res domini alienare potest , non solum cum id necessitas , sed etiam cum utilitas mandantis postulat (5). Sine hac libera administrationis potestate , generalis procurator recte distractus tantum fructus , et cetera , quæ facile corrumpuntur (6).

(1) Cicero pro A. Cæcina n. 20 opp. t. 4. p. 629 ed. Genevæ 1744.

(2) L. 1 ff. de Procurat.

(3) Cap. 5. de Procurat. in C.—V. leg. 45, 46, 49 tit. 5 Partitæ 3.

(4) Donare enim potius est perdere , quam administrare: l. 28 §. ult. ff. de pœctis , l. 7 §. 5 ff. de Donation.

(5) L. 60 §. Lucius ff. Mandat. , l. 58 ff. de procurat. l. 9 §. 4 ff. de Aequirend. domin. §. 45. Inst. de rer. divis.

(6) L. 65 ff. de Procurator. Confer Voctum in Pandect. l. 3 tit. 5 §. 7.

2. Procurator interdum unus , interdum plures , iisque aut conjunctim , aut in solidum constituuntur. Ubi conjunctim , et eodem tempore omnes constituti sunt , alter sine altero nihil agere potest , exceptis causis electionum , postulationum , provisionum , aliorumque ecclesiasticorum negotiorum , in quibus unus ex

pluribus admittitur (1); ubi in solidum, potior habebitur qui
litis contestatione negotium occupavit, nisi secus mandato cau-
tum sit (2). At procuratore uno primum, deinceps altero cons-
tituto, prioris mandatum revocatum videtur. (3).

(1) Cap. 6 §. Sane de procurat. in 6.

(2) Cap. 6 mox laudat.

(3) Cap. 14 de procurat.

3. Omnes autem, qui expresse non prohibentur, procurato-
res esse possunt. Prohibentur autem exprese eo munere in judi-
cio fungi: excommunicati (1), qui etiam in jus vocali per alium
respondere debent (2), minores annis vigintiquinque (3), infam-
es (4), mulieres (5), milites (6), fiscus, respublica, ceteri
potentiores, qui adversarium opprimere possunt (7), reus crimi-
nis constitutus, nisi se primum purgaverit (8), reipublicae causa
abfuturus (9), monachus, nisi qua agatur monasterii causa, id-
que monasterii praefectus probet (10), Episcopus, et Sacerdo-
tes (11), postremo omnes clerici apud saeculares judices, nisi
pro Ecclesiae suae, aut propria causa, vel necessitate coacti, pro-
conjunctionis, et miserabilibus personis, procuratoris officium ge-
rant (12).

(1) Cap. 45 §. Credentes de haeretic., cap. 7 de probat., cap. 4 de ex-
cept. in 6.

(2) Cap. 7 de Judic.

(3) Cap. 5 §. ult. de procurat. in 6.

(4) Can. 1 et 2 c. 3 q. 7; cum tamen jure civili Justiniani, infamia, nisi
manifesta sit, procurator non obstet §. ult. inst. de except. sed jam fori
civilis usus jus canonicum receperit. Confer Gaillium l. 4 obs. 45 n. 7 et 8, et
Gudelinum de jur. novis. l. 4 c. 4 n. ult.

(5) L. 48 et 21 cod de procurator. Quidam tamen excipiunt casus in
leg. 41 ff. de procurat. et in l. 4 cod. eod. Consule Donellum de jur. civil.
l. 48 c. 41 opp. t. 5 ed. Lucæ col. 191 et seq., ubique Hilligerum in not..
qui omnes enumerant, quos civiles leges à procuratoris munere repellunt.

(6) L. 8 §. Veterani ff. de procurator., l. 7 cod. eod. Qnomodo autem
nunc nostris moribus à procuratoris officio milites repellantur, explicat Hi-
ligerus l. c. not. 3 col. 195.

(7) L. 4 et tot. tit. codicis ne lic. potent. patroc. litig. præst., l. 5 et tot.
tit. codicis ne fisc. vel respubl. Consule Cujacum in cod. l. 2 tit. 43 opp.
t. 2 col. 95 et seq. et observat. l. 8 c. 51 t. 5 col. 495 et 496. ed. Ven. 1578.

(8) L. 6 cod. de procurat.

(9) L. 8 §. procuratorem, et l. 54 ff. de procurator.

(10) Can. 35 c. 16 q. 1.

(11) Can. 3 c. 5 q. 3, cap. 3 et 4 ne cleric. vel monach.

(12) Cap. 4 et ult. de postulan., cap. 2 et 4 ne cleric. vel monach. At-

que hæc quidem vetus est Ecclesiæ disciplina, etiam Justiniano probata No-
vel. 123 c. 6.

4. Adhibentur procuratores in causis omnibus, tam saecula-
ribus, quam ecclesiasticis (1), quin etiam criminalibus, in qui-
bus agitur civiliter, non criminaliter (2). Jure civili mandato,
quod solo consensu constat (3), procurator constituitur; sed jure
canonico scripto opus est (4). Quæ jurisprudentia obtinet etiam
in foro civili, neque nunc procurator admittitur sine scripto
mandato, quamquam de rato cautionem afferat (5). Servatis
mandati finibus, quidquid procurator gessit, ratum firmum est,
sive domino noceat, sive prosit (6).

(1) Cap. 2 de in integr. restit.

(2) Cap. 5 de procurat., cap. 16 de accusation. Late hoc argumentum de
adhibendis, aut non adhibendis in criminali judicio procuratoribus, perse-
quuntur Donellus de jur. civil. l. 48 c. 10 §. 8 et seq. ibique Hilligerus
not. 5 opp. t. 5 col. 176 et seq., et Voetus in Pandect. l. 3 tit. 3 §. 11 et 15.

(3) Instit. l. 1.5 tit. 23. Paulus recept. sentent. l. 4 tit. 3 apud Schultini-
giūm Jurisprud. vet. ante justiniat. t. 4 p. 223 et Lipsiæ 1757.

(4) Cap. 1 de Procurat.

(5) Consule Voetum l. c. §. 10.

(6) Cap. 1 cit.

5. Exspirat procuratoris officium mutuo consensu (1); man-
dato à domino revocato, si res integra adhuc sit, quia post li-
tem contestatam procurator litis dominus efficitur, ac non nisi ex
justa causa removeri potest, veluti si sit suspectus, aut impedi-
tus, vel morbo teneatur (2); mortuo mandante, cum res est
integra (3), re autem non integra, expirare mandatum potest,
si prælatus, vel alias pro ecclesia, aut beneficio procuratorem
constituerit, posteaque ex hac vita migraverint (4); per renun-
tiationem procuratoris justas ob causas factam, aut per ejus obi-
tum, quoniam mandatum ad hæredes non transit (5); denique
si dominus item per se agere velit (6).

(1) L. 24 ff. de procurat.

(2) L. 22 c. de procurat., l. 17 et seq. ff. eod., cap. 2 eod. in 6.

(3) L. 23 c. de procurat.

(4) Cap. 1 et ult. ne sed. vacant., Clem. ult. de procur.

(5) L. 27 §. morte ff. mandat.

(6) Cap. 8 de procurat. in 6.

6. Procuratores universitatis syndici (1) appellantur; atque
hoc inter singulos, interque universitates discriminem est, quod

illi regulariter non coguntur procuratorem dare (2), sed universitates, et collegia judicio experiri non possunt, nisi syndicūm constituerint (3). Cum enim universitas personæ tantum vices gerat, uti naturaliter consentire nequit (4), ita naturaliter pro se agere, ac semelipsam defendere non potest (5). Accedit quod à cunctis tractata universitatis negotia, perpetuo dissensu facile turbarentur, ac supervacaneū visum est, plures à propriis abstrahi negotiis, et communi vacare causæ universitatis, cui tractandæ potuit unus suficere. Ea de causa, cum olim nondum liceret alieno nomine judicio experiri, tamen pro universitate licebat (6).

(1) Extat in Decretalibus Gregorii IX. titulus de Syndico, et ejus quoque mentio est in l. 6 §. Sed si ita si. *Quod cujusque universit.* et in l. 18 §. 15 ff. de muner. et honor. Dicitur etiam universitatis actor in l. 74 ff. de procurator., et in l. 6 §. Quod si et ult. ff. *Quod cujusque universit.*, et Ecdicus in l. 50 cod. de Episc. audien., et novel. 45 apud Dionysium Gothosredum, et defensor in l. 18 §. 15 ff de Munerib. et honor., et procurator universitatis, præcipue si monasterii actor sit, novel. 423 c. 27. Apocrisarii etiam appellantur syndici novel. 423 c. 25, et novel. 6 c. 2, et responsarii eit. novel. 423 c. 42, et novel. 433 c. 5. Est ergo syndicus, qui universitatis causam agit mandato ipsius, atque is interdum ab actore distinguitur, quod hic certa causæ, ille autem universis negotiis tractandis præpositus est. Apud Graecos syndici dicebantur, qui ad leges suadentes à populo electi erant, ut observat Carolus Sigonius de republic. Atheniens. l. 4 c. 6 fere in princ. Confer etiam *Du-Gangium glossar.* v. *Syndicus.*

(2) Cap. 2 de procurat.

(5) Cap. 7 eod.

(4) L. 1 §. 1 ff. de Libert. universit.

(5) Arg. cit. l. 1 §. 1, et l. 1 §. ult. ff. de Acquir. vel amitt. possess.

(6) Inst. de iis per quos agere possumus in princ.

7. Quæ de procuratoribus dicta sunt, ea generatim ad syndicos quoque pertinent; verum in nonnullis inter se differunt. Nam syndicus ab universitate, aut collegio per suffragia majoris partis eligitur (1), procurator ab uno, alterove, cuius negotium gerendum est, sola nominatione constituitur (2), ille necessario eligendus est (3), etiam criminale judicium exercet pro universitate, si quod ei crimen impingitur (4), suam jure-jurando fidem obstringit (5), et cum à collegiis ordinatis, ut plurimum, ad quascumque causas detur, publicum hoc modo officium sustinet (6). Verum procurator non juris neccesitate, sed domini arbitrio, ac voluntate constituitur, repellitur, sicu-*lū* supra demonstratum est, à criminali judicio, non suam obli-

gat sacramento fidem, sed mandantis, denique privatum officium gerit.

(1) Cap. 2 de integr. restit.

(2) Clem. 4 de procurat.

(5) Cap. unic. de Syndic.

(4) Confer Wessebicum Paratitl. ff. *Quod cujusq. univers.* n. 6.

(5) Cap. 3 et 4 de juram. calumn.

(6) Cap. unic. de Syndic.

(N. S. Caveat autem Procurator, ne mandatum ad causas profanas coram Judge Ecclesiastico litigandas suscipiat: leg. 7 tit. 1 lib. 2 *Novis. Compilat.*

Advocati ita dicti ab *advocando*: quum enim quis in jus vocabatur, aut invitatus ad illud rapiebatur, JCTi plerumque advocabantur, qui causam, si ipsi litigantes nolent, aut non possent, proponerent, defenderent, aut eis succurrent: *Cicer. de Orat.* 3 cap. 55. Antiquo Ecclesiæ jure litigantes non per Advocatos, sed per semelipsos actionem coram Judge Episcopo edebant, atque adeo etiam post novam judiciariam methodum in Ecclesiasticum Forum invectam hoc ab Innocentio III. præscriptum invenimus: *Cap. 14 de Judiciis.* Attamen usus invaluit, ut plerumque fori expertes litigantes, Advocatorum clientelæ se commendent.—Unde neque in Foro nostro Ecclesiastico petitio-nes juris admittuntur, nisi subscriptæ ab aliquo Advocato, et in Curia Matritensi, et aliis, ab eo qui in Regium Advocatorum Collegium relatus sit: not. 2 tit. 19 lib. 4 *Novis. Compilat.* Clerici in sacris constituti, aut Beneficio Ecclesiastico donati, Advocatos agere vetantur, nisi propriis, vel suorum, vel Ecclesie, vel demum inopum personarum causis patrocinari velint: *Cap. 1 de Postulando,* et leg. 5 tit. 22 lib. 5 *Novis. Compilat.* Ast hic adnotandum, hanc Decretalem de Advocatione coram judge sacerdotali diserte loqui: atque proinde Clericis causas agere in Foro Ecclesiastico, stricto jure vetitum non esse. Verumtamen quia et in foro Ecclesiastico, æque ac in civili causæ non sine forensi strepitu, et contentione exagitantur, parum clericali vocationi decens videtur in quolibet Foro causas agere. Id quod agnovit Collect. Tarragon an. 1591 *de Postulando* cap. 5, quod quidem ad Regulares etiam extendit; et jam olim decreverat Syn. Tarragon. an. 516 can. 41. Quia vero summa pietatis, charitatisque opus est oppressos pauperes levare, eorumque patrocinium suscipere; hinc in plerisque Curis Ecclesiasticis Advocatus pauperum constitutus est, qui pro illis causas agat: *Syn. Valent.* an. 1565 *Sess.* 3 tit. 5 cap. 5: et Collect. Tarragon. cit. *de Procuratoribus* cap. 1.—Apud nos clerici causarum mere civilium patrocinium suscipere possunt, domino do à Sup. Just. tribunal (olim à Sup. Castellæ Senatus Camera) dispensationem obtinuerint. *Reg. Prov.* cit. art. 90.º